

欽定剿平粵匪方略

欽定勦平粵匪方略卷二百十六 己未年

三月初一日 辛未 勝保翁同書奏言已革安徽布

政使李孟羣帶勇駐紮官亭長城一路堵勦廬  
州西面賊匪二月初四日潛霍之賊由南路竄  
陷六安該員一軍有腹背受敵之勢自是逆眾  
屢以大股撲營該員奮激誓師當餉竭之餘猶  
能使將士踴躍用命以四千之眾擊退賊匪二

萬餘斬馘不少詎十五日逆衆大至由官亭而  
達長城徧地皆賊廬城復出大股來犯重重圍  
裹由辰至午先破副將鄧清知縣李孟基兩營  
旋卽併攻左右營副將盧又熊知府袁懷忠出  
戰相持至戌刻援盡力絕兩營繼失中營力不  
能支是夜丑刻賊來愈衆李孟羣持矛屹立圍  
牆厲聲罵賊手刃悍賊三名力竭陣亡全營俱

潰現廬又熊袁懷忠收集潰軍一紮三覺寺以扼壽州前路一紮隱賢集以堵六安後路先顧北面免致上竄正陽然後再圖南剿據該副將等稟報前來臣等伏思李孟羣自從戎以來轉戰廣西湖南湖北安徽數省功績卓著上年因廬州失守奉

旨革職責令自效半年來設防籌勦竭慮殫心臣等方

以廬西一軍倚作干城之寄今以兵單餉竭營  
潰捐軀合無仰懇

逾格恩施准予開復原官

飭部照布政使陣亡例議卹以慰忠魂營內各員同時  
死難者俟查明再行請卹至副將盧又熊知府  
袁懷忠皆李孟羣部下帶隊之員此次全營潰  
失咎無可辭應請

旨革職仍留軍營帶罪立功以觀後效奏入

上諭內閣曰已革安徽布政使李孟羣以知縣帶勇從  
征自廣西湖南湖北安徽轉戰數省累著戰功前因  
廬州失陷降旨革職仍令留營勦賊茲以兵單賊眾  
力竭捐軀殊堪憫惻著開復原官交部照布政使陣  
亡例議卹以慰忠魂副將盧又熊知府袁懷忠不能  
救護主將雖因兵疲援絕究屬咎無可辭均著革職

仍留軍營帶罪自效其餘陣亡各員著勝保翁同書  
查明具奏

同日河南巡撫升任直隸總督恆福奏言據南  
汝光道稟報安徽潛山太湖大股粵匪連陷霍  
山六安分股四竄聲言由舒霍六安直達商固  
再擾麻城等語查光州在防兵勇不足二千名  
急應添兵堵禦以遏賊氛無如豫省兵力本屬

無多除派防各要地外勢難再行抽撥不得已  
飛函知照邱聯恩於南陽鎮標存營兵內調出  
千名或數百名遴派得力將弁管帶馳往商固  
救援一面諄飭升任知府前光州知州鄭元善  
現署光州知州張曜會同參將承聯等先就現  
有兵勇並號召鄉團於沿邊要隘布置堵扼惟  
賊衆兵單仍恐力難抵禦皖省勦匪各軍相距



較遠鞭長莫及獨楚師現在黃麻潛太可以就  
近赴援合無仰懇

天恩飭下湖廣督臣湖北撫臣酌調精兵二三千名遴  
派得力鎮將大員統帶馳往商固會同豫軍合  
力堵剿但得保全商固不特北竄無虞兼可固  
黃麻門戶實於楚豫軍務兩有神益奏入

上命軍機大臣傳諭官文胡林翼恆福瑛棨曰皖省大

股逆匪聲言由舒霍六安直達商固再擾麻城豫省  
兵力無多著官文胡林翼酌量抽撥精兵二三千名  
揀派得力鎮將大員統帶前往會同豫軍合力勦擊  
救援豫境卽以保衛楚疆務須視賊所向遏其兇鋒  
使不得擾及商固則楚豫兩省皆可安堵恆福已知  
照邱聯恩調南陽鎮標等兵馳往商固著卽飛催前  
進升任知府鄭元善知州張曜等現在光固一帶辦

理堅壁清野並著飭令該員等務於沿邊各要隘相機布置嚴密堵扼

初二日

壬申

官文胡林翼奏言臣等欽奉

諭旨將三河桐城僨事各員提訊緣李續燾趙克彰謝永祜朱希廣李運洛張養吾張嵩齡楊得武等上年隨李續賓進勦皖賊克復太湖潛山桐城舒城後李續賓因三河鎮爲水陸衝途逆匪築

有城壘憑河設險必須先克此地方可進偏廬  
郡隨派趙克彰朱希廣帶勇四千駐紮桐城城  
外謝永祜帶勇五百駐紮舒城李續賓自率李  
續燾等兵勇五千餘人進抵三河擇地分紮李  
續燾彭祥瑞紮營之地在大營左邊隄上當城  
賊之衝爲大營去路十月初二日張嵩齡張養  
吾彭祥瑞李續燾李運洛楊得武各奉派出隊

攻破賊壘九座斃賊七千餘名賊勢已孤正擬設法攻撲僞城探知首逆陳玉城李侍賢各率大股來援號稱十餘萬衆連夜竄至金牛鎮白石山一帶抄我後路李續賓飛調留防桐城各營赴舒接應尙未趕到初九日援賊逼近勢甚猖獗是夜李運洛楊得武張嵩齡張養吾奉派率各營出六成隊於初十日五鼓往金牛鎮迎

擊餘營留防城賊行至樊家渡地方突遇賊匪  
大股來撲我軍分投迎擊該逆以數支包抄以  
數支拒戰我軍連環轟擊殺賊約逾二千逆衆  
敗退我軍追近賊壘忽大霧迷漫咫尺莫辨賊  
以數大股由左路抄出李運洛被圍勇丁傷亡  
最多遂先敗退張嵩齡張養吾等身受矛傷亦  
各因士卒傷亡過多相繼潰散中右兩路各營

爲賊抄襲將弁兵勇星散歸路已被阻截李續  
賓自領親兵並飛調毅中等營接應衝盪數十  
次殺賊最多僞城之賊分股衝出環繞夾撲將  
弁兵勇力戰死傷愈衆賊又逼近營壘留防城  
賊各營弁兵力不能支被賊攻破牆壘李續燾  
彭祥瑞督勇力戰勢不能敵始行衝出賊遂踞  
壘空隄以斷我軍去路李續賓戰至三更力竭

陣亡維時謝永祐在舒城探知三河大營危急  
率勇往援不意賊已邀截在千人橋接戰勇丁  
受傷過半奮力衝出重圍回顧舒城已被賊踞  
遂間道赴桐歸伍十九日賊出大股七八萬人  
分道攻撲桐城各營趙克彰以四成隊守濠六  
成隊迎敵自午至酉鏖戰四時之久因賊匪分  
股來抄兵勇首尾不及兼顧損傷大半朱希廣



戰敗退至長濠賊卽隨後擁至縱火焚燬柵座  
守濠之勇逐漸潰散趙克彰收隊回營營壘已  
失復轉身接仗至夜始得衝出重圍彭祥瑞後  
仗陣亡賊隨竄入桐城臣官文親提各該革員  
嚴鞫備悉前情臣胡林翼復明查暗訪與供詞  
尙屬相符查李續燾等隨同李續賓進剿皖賊  
或督兵駐紮要地或帶兵防守城池於援賊麴

至時衆寡不敵先後敗潰雖無畏葸不前及委  
棄城壘情事惟不能力遏兇鋒以致喪師失律  
咎無可辭已革總兵李續燾趙克彰副將謝永  
祜遊擊李運洛擬比依守邊將帥被賊攻圍城  
寨不行固守因而失陷城寨者斬監候律減一  
等從重發往新疆充當苦差已革副將朱希廣  
參將張嵩齡都司張養吾與賊接仗鏖戰多時

因賊衆兵單四路抄襲力竭受傷潰散並已革  
副將楊得武戰已獲勝因大霧迷漫敗赴酒山  
招集潰勇與遇賊卽潰者不同業已革職應毋  
庸議再李續賓一軍自失利後精銳大半傷耗  
臣胡林翼親駐黃州撫舊募新多方整理數月  
以來軍容漸振探聞皖逆糾衆分竄六霍窺伺  
楚疆須先固邊防然後會合太湖馬步全軍相

機進勦惟將才難求如李續賓之仁智忠勇實  
難其選革員李續燾等從戎七載身經大小數  
百戰亦非易得之員此次因兵入重地致有挫  
失提訊時皆望

闕叩頭慟哭失聲以未能卽時身殉爲憾臣等素  
悉該革員等向在前敵攻城破壘無戰不先當  
此皖氛尙熾行間需人之際與其置之遠戍莫

若使效力軍前以贖前愆而資掃蕩可否願懇  
天恩法外施仁准將李續燾等暫緩起解與朱希廣等  
均留營差遣仍飭赴前敵立功自贖以觀後效  
如不知奮勉卽按軍法懲辦不敢稍事姑容奏  
八

上諭內閣曰已革總兵李續燾等隨同李續賓進剿皖  
賊因衆寡不敵先後潰敗雖無畏葸逃避清事惟不

能力過兇鋒以致喪師失律實屬咎無可辭已革總  
兵李續燾趙克彰已革副將謝永祐已革遊擊李運  
洛均著從重發往新疆充當苦差已革副將朱希廣  
參將張嵩齡都司張養吾與賊接仗受傷力竭潰散  
已革副將楊得武戰已獲勝因遇霧敗退均與遇賊  
卽潰者有間業已革職著毋庸議惟據官文等奏稱  
該革員等從戎七載身經大小數百戰現值行間需

人請准飭赴前敵責令立功自贖著照所請所有李  
續燾等四員均著暫緩起解與朱希廣等四員一併  
留營交官文胡林翼差遣以觀後效儻再不知愧奮  
卽按軍法懲辦

初五日

乙亥

張芾奏言景德踞匪及婺源敗匪於

正二月間先後竄犯祁門邊界經兵團擊退旋  
竄入建德之黃柏鋪一帶守備張泰忠署知縣

沈昌祚把總張連芳帶隊接戰頗有斬獲賊勢  
稍卻不意大股屬至我軍衆寡不敵張泰忠退  
守葛公鎮沈昌祚等退紮金村堡把總李濟元  
所帶團練爲賊所隔未能援應賊衆直撲城廂  
意圖外竄查建德爲入江通衢距徽較遠僅恃  
張泰忠數百之衆守此殘破之區臣已飛檄總  
兵江長貴卽派隊出嶺往援並飭署池州府皇



甫漢仕親往督率官紳整集團練並咨會水師  
提督楊載福由水路分軍會勦迅驅羣孽以靖  
地方奏入

上命軍機大臣傳諭和春鄭魁士曰祁門擊敗之賊竄  
至建德直擄城廂雖經張芾飛檄江長貴等派兵援  
勦第恐兵力尙單著和春就近知照鄭魁士帶兵往  
援如該逆占踞建德著卽會同江長貴迅圖克復儻

賊匪假道建德卽竄池州則鄭魁士本欲往勦池太  
卽可會同該地方官合力撓勦毋令賊勢蔓延

初七日

丁丑

勝保翁同書奏言粵匪因浦口要地

爲我所據阻絕金陵老巢南北官軍前後扼截  
又知我軍精銳多撥赴東南一路遂自安慶糾  
集死黨數萬由逆首陳玉城親率前來意圖襲  
破護城營盤北撲定遠繞越東竄臣等聞信籌

商布置臣翁同書仍駐定遠策應西北臣勝保  
卽於二月二十三日親督大隊疾馳而南探報  
護城營盤被圍逆壘布滿西北南三面我營糧  
道已斷子藥缺乏情形危急遂連夜派營總景  
林等先帶馬步隊千餘名出其不意突入重圍  
將火藥鉛丸運進該逆瞥見援師卽率衆抄撲  
我軍力戰逾時殺賊二三百名仍帶隊衝出在

護城池北扼要屯紮以待大軍臣勝保於二十  
四日督軍進紮距護城二十里之八斗嶺二十  
五日派副將格洪額等帶領馬步隊分路進剿  
臣勝保親往督陣該逆橫至護城以北之王家  
橋列隊西南北三面山岡我兵前隊過橋用連  
環槍礮轟擊該逆抵死回拒兵勇鼓銳直前賊  
勢漸卻我兵進逼賊壘用火箭噴筒拋入木城

火起賊衆大亂兵勇一擁而入斃賊甚衆餘賊  
棄壘狂奔立平西北賊營二座該逆復由南門  
分股接應我軍後隊分路迎戰奮勇爭先逆衆  
敗走護城營內官軍亦出隊夾擊將東西圍營  
之賊衝散重圍立解西南面賊衆乘我兵撤隊  
之際復全股來撲層層圍裹陳玉城率賊目多  
名往來馳突勢甚兇悍已革總兵柏山奮勇衝

該逆應接不暇我兵乘勢搶搭浮橋十二三等  
日督兵進攻毀平逆壘七座賊仍戀戰連日勦  
洗斬馘甚多十九日遂將北岸逆壘十餘座一  
律蕩平共斃賊千餘名生擒四十餘名餘匪分  
竄亭頭大龍口一帶當派吳再升等在北岸紮  
營四座並飭蕭知音等於南岸夾河爲營布置  
妥協一面馳赴灣沚調度進剿旋准和春來文

以江浦攻勦喫緊先後調回援軍七千餘名胡  
興仁又因餘姚土匪滋事調去道員仲孫懋遊  
擊楊國正所部三千餘名臣營兵力驟形單薄  
據各路稟報江西潰匪屬集青繁並分竄蕪湖  
石碇峨橋一帶灣黃係甯郡緊要門戶亟應布  
置周密已疊催皖南道鄧瀛飛檄各屬趕辦竹  
木豫備搭造橋梁以資進取一俟厚集兵力卽

圖規復鴉山孤山寺處又據報繁蕪賊黨數千  
撲犯魯港經水師總兵吳全美派隊登岸迎勦  
疊有斬擒惟未經大創仍蟻聚白馬山一帶又  
池州股匪屬至赤沙灘九龍廟等處當飭副將  
米興朝督率南防各軍迎勦擊斃多名該逆仍  
復盤踞有窺伺南陵之意臣以兵力不敷分布  
已派弁馳往江北召募精壯勇丁二三千名特



一時未能應手祇得就現有兵力擇隘緊扼並  
飭各路將弁加意嚴防毋稍疏懈奏入報

閩

十一日辛巳會國藩奏言道員蕭啟江一軍克復

南安後馳救信豐二月初七日行抵大小窩地  
方探得逆黨築壘吳家嶺及石子嶺一帶阻截  
援師蕭啟江約會總兵遮克敦布於初八日先

攻吳家嶺再攻北門令楚軍各營分三路前進  
蕭啟江自率中營接應遮克敦布等之勇誘賊  
出巢楚軍偃旗息鼓以待賊果出隊抗拒營官  
劉嶽昭等由右路沿河而進悉力猛撲連破賊  
壘四座石子嶺之賊擁擁來助又經左路胡中  
和率隊力戰梁萬貴由左路之右繼進是時戴  
齡唐星照已由中路直擣吳家嶺下蕭啟江見

賊牆火起知已得手飛馳督勦正鏖戰聞吳家  
村忽出賊萬餘前來抄截各營乘勝壓之直逼  
河岸紛紛投水浮尸蔽江忽大雨如注官軍槍  
礮溼不能燃窮寇拌命回撲北門外之賊回戈  
反鬪我軍奮擊斃賊數百陣亡九十六人營官  
胡中和劉嶽昭戴齡均受矛傷蕭啟江卓旗力  
禦賊始大潰初十日分八路進勦蕭啟江行至

小溪橋見西北一帶火起知前隊已破賊營呼  
聲震山谷該逆奪渡奔逃各營併力追殺城內  
兵勇亦乘勢出擊伏尸徧野遮克敦布一軍適  
當去路斬馘尤多餘賊悉向東路逃竄查信豐  
被圍三月有餘力窮糧竭經蕭啟江等馳救會  
合遮克敦布等力戰解圍計楚軍八日之內克  
府城一解縣圍一尙屬踴躍用命除各勇及力

守危城之信豐縣知縣錢蘭等咨請江西撫臣  
查明保獎外其蕭啟江一軍可否由臣併入克  
復南安案內保獎以示鼓勵陣亡藍翎外委李  
先益李楚文把總黃龍光外委劉文友懇

恩各照本職從優議卹以慰忠魂連日接據咨報南安  
之賊竄入湖南疊陷桂陽宜章興甯永興等縣  
及桂陽州楚軍出勦各省本境空虛殊形喫緊

臣已飛調蕭啟江一軍馳赴吉安爲湖南援應  
如賊犯安化茶陵一帶卽行橫山截擊以免蔓  
延奏入

上諭內閣曰道員蕭啟江約會總兵遮克敦布進攻吳  
家嶺等處連破賊營斃賊無算立解信豐縣城之圍  
各營將士踴躍用命著會國藩擇其尤爲出力者併  
入克復南安案內保奏候朕施恩此次力戰陣亡之

藍翎外委李先益李楚文把總黃龍光外委劉文友  
均著照本職從優議卹

十二日壬午和春奏言皖北逆援屬集浦口江浦

我師迎勦獲勝後該逆未敢輕出時以數千人  
往來遊弋以圖驚擾二月二十日江浦北路賊  
營潛出逆黨二千餘名夤夜撲我營盤經參將  
周朝安等豫伏槍礮轟斃無數賊始回竄隨據

謀報賊因官兵嚴備計無所逞復於浦口之旁  
潛築營卡意欲南趨與江干逆營聯絡斷我糧  
道張國樑聞報派總兵李若珠等各帶勁旅直  
搗中堅熊天喜等由左夾擊周天培等從右包  
抄而親督馬步小隊居中接應二十二日四路  
齊發時賊正築壘遙見我師卽分隊偃伏兩旁  
圩埂而以馬隊悍賊數百向前抵拒短兵相接



格鬪逾時左右伏賊齊起李若珠督將弁橫衝  
殪悍賊數十名大軍兩翼繼進逆勢稍卻仍過  
河拒守張國樑督飭三鎮首先渡河李若珠手  
發火槍轟斃踞岸悍賊數名諸軍乘勢擁涉隔  
隄礮石如雨我兵裹創力戰斃賊甚多九里山  
逆巢又出悍匪七八千飛奔來援熊天喜揮兵  
分途截勦張國樑親督馬隊前後兜抄逆衆奔

潰我師乘勝搶過外濠斬關直入火器齊發轟  
塌礮臺守巢逆匪蒼黃四散向九里山逃竄立  
平逆壘二座逆卡一道追殺竄匪數百名二十  
八日九里山逆衆復聯營進逼於蕭家圩旁潛  
築壘卡三座糾集悍賊數萬意圖大逞二十九  
日張國樑派周天培等分路夾攻該逆蠶屯蟻  
聚我師一面迎勦一面梟水過河火器刀矛齊

進斃賊無算賊見大軍勢盛分股回巢搃險以  
待而山梁悍賊二萬餘乘高下壓兇燄大張周  
天培等冒險直摩逆壘奮勇先登我師一齊擁  
入立將逆壘一座逆卡二座攻克殺賊四五百  
名千總張大瑞藍翎兵勇李正貴吳繼興力戰  
陣亡其九洑洲接應之賊經李若珠等截擊回  
巢和州援逆續到七八千復於蕭家圩一帶添

築營盤三月初一日李若珠等仍率所部四路  
進攻該逆負嵎不出於牆隙開放槍礮我軍焚  
其更樓二座轟斃守牆悍賊數名該逆雖屢經  
懲創而賊援續至兇燄未衰幸各路營壘星羅  
碁布不至有衝突之虞現督夫聯築長牆自江  
邊至江浦縣城西面十餘里中均已完固從此  
由北轉東直抵浦口縣互二十五六里地形遼

關一時尙難蕪工查金陵盜糧均係皖北無爲  
州巢縣一帶擄掠搬運由和州江浦開通河道  
盤送入城自張國樑因河爲濠築壘搃守要衝  
城中水路米糧業已無從運入惟九洑洲外達  
浦口賊營聯絡逆黨得以往來該處山徑縱橫  
道途紆遠且距官兵甚近縱有接濟亦斷不能  
暢行一俟長牆工竣設法堵截九洑洲逆巢勢

孤勦辦當可得手至此次張大瑞等三員臨陣  
捐軀應請

飭部照例議卹奏入

上諭內閣曰此次堵剿江北逆援攻奪賊壘多座尙屬  
得手著卽乘勝掃除毋令紛竄陣亡千總張大瑞等  
均著該部照例議卹

和春又奏言六合逆巢負嵎日久自西路外援

屬集浦口距六合僅數十里逆蹤聯絡其勢更  
張臣奉

命兼轄後卽飭總兵張玉良前赴該處察看情形並由  
幫辦軍務富明阿酌派遊擊詹啟綸督帶馬步  
官兵移紮南門以斷浦逆往來大道其西南各  
路之葛塘盤城瓜埠等處尤爲全椒浦口出入  
之區難保該逆不步步爲營意圖東竄當經函

囑富明阿隨時偵探防勦兼施毋令賊蹤延蔓  
旋據該副都統先後呈報二月十八至二十七  
等日賊黨數千由全椒竄至盤城援應六合經  
官軍擊敗復分擾葛塘竄至新集橋潛築營壘  
壘經我軍攻勦獲勝平毀賊營二座其浦口及  
葛塘之賊先後竄至瓜埠據糧均經擊退殲斃  
甚多六合踞匪屢次竄出俱被截擊回城臣查



六合北接天長東界儀徵西鄰浦口與全椒來  
安滁州相爲唇齒逆援偏處飄忽靡常意在乘  
虛下竄我師惟有嚴兵守險力遏東趨俟浦警  
稍紓相機規復至北營馬步兵勇約一萬五六  
千鎮將備弁非無可用之材如果調度得宜訓  
練有方亦足以成勁旅無如軍情散漫積弱已  
久各路營盤半住村鎮民房未知扼險設有緩

急呼應不靈糧藥棚帳缺乏堪虞就目前情形  
而論實有不足恃者非悉心整頓嚴定新章難  
以振衰起靡適張玉良回營銷差臣與張國樑  
許乃釗再四商酌面授機宜仍令該鎮帶兵一  
千折赴六合軍營與富明阿會商布置隨時稟  
候察奪奏入報

聞

十三日癸未勝保翁同書奏言粵逆圍撲護城營

盤經官軍疊加勦洗並將駐紮烏衣汊河之軍  
調回協助臣勝保統兵自八斗嶺連日進勦賊  
伏不出逆壘林立緊逼我營據探又添調南岸  
甯國敗匪及安慶舒桐等處悍賊圍撲北路匪  
聚日多護城之圍日緊三月初三日我軍四路  
進攻逆眾數萬分股猛撲兵勇奮力迎勦鏖戰

多時斃匪一二千名馬隊乘勢衝殺將護城東  
西賊營四座踏毀詎逆首陳玉城率悍賊萬餘  
突由西北旁抄而來臣慮該逆徑襲八斗嶺營  
盤斷我歸路當先撤步隊回營守禦仍以馬隊  
往來衝擊該逆恃衆層層圍裹臣勝保督兵力  
戰槍礮連環衝開賊陣將匪衆全股壓退我軍  
陣亡數人臣以護城糧缺藥盡已非一日而賊

衆我寡旦夕尙難解圍恐有疏失徒張賊燄先  
經密囑吉順余成蛟等可守則守固爲勝算若  
不能爲久守計則相機撤營全師而出該總兵  
等遂於是日乘官兵酣戰賊勢漸卻之際率兵  
勇衝出且戰且撤至夜分撤盡查賊撲護城意  
在直犯定遠我師進紮八斗嶺原期擊退此股  
力救護城今護城之軍被困日久不得不撤回

八斗嶺雖屬中路扼要而東西兩路皆可分越  
包抄長驅內竄此時定遠一城爲根本重地張  
橋乃緊要屏蔽欲保定城必須嚴扼張橋臣等  
會商應移撥重兵與張橋連營紮堵以固後路  
而以馬隊扼截八斗嶺爲前路鎖鑰並移護城  
撤出之軍扼紮老人倉以堵東面竄赴定城之  
路臣勝保暫駐江家港居中策應仍不時親往

八斗嶺督率堵勦迎賊所向實力殲洗所有此  
次陣亡之六品軍功烏槍護軍孝順應請

旨照護軍校陣亡例議卹五品軍功武生遲乃光請照  
把總陣亡例議卹又河南候補知府顏懷忠上  
年來皖辦理糧臺旋令隨營差委前克汧河深  
資得力此次援勦護城因眾寡不敵受傷陣亡  
合無仰懇

天恩照道員陣亡例從優議卹以慰忠魂奏入

上諭內閣曰勝保親督大隊進剿護城將東西賊營四座踏毀已移紮重兵於張橋並以馬隊扼截八斗嶺要隘著卽督飭將弁迅速進剿陣亡之六品軍功烏槍護軍孝順著照護軍校陣亡例議卹五品軍功武生遲乃光著照把總陣亡例議卹

上又諭內閣曰河南候補知府顏懷忠因援剿護城衆



寡不敵受傷陣亡殊堪憫惻著交部從優照道員陣亡例議卹

十七日

丁亥

勝保翁同書奏言粵逆大股欲由護

城直撲定遠我軍於護城後路定遠前路之張橋一帶連夜布置扼紮重兵連營十餘座以壯聲勢另撥兵勇駐守老人倉嚴扼東北繞竄之路仍令守備徐立壯等紮護城西北之辛家岡

而以馬隊精銳分屯於八斗嶺東西緊逼賊營  
列陣並挑選奮勇官兵於山岡上下設伏以待  
賊至臣勝保居中調度往來策應初四五等日  
逆衆分三路出撲意圖北竄前隊已抵八斗嶺  
各軍奮力迎擊該逆拌死迎拒隨撲隨進勢極  
兇猛我軍馬隊分兩翼包抄四路伏兵齊起逆  
衆慌亂乘勢衝擊追殺十餘里斃賊一二千名

餘賊踉蹌歸巢其西路之賊甫撲辛家岡卽經  
徐立壯帶隊迎截該逆見中路大股已被官兵  
擊敗遂無心戀戰各鳥獸散徐立壯等乘勢掩  
殺擒斬甚多該逆知我軍有備不敢正視定遠  
仍盤踞護城臣勝保密令穆騰阿等帶馬隊由  
東面繞赴梁園一路出其不意以擣賊後初六  
日抵護城以東之葛家集遇該逆大股排隊而

來勢將繞竄東北見我軍掩至遂分三路衝撲我軍佯敗退上山梁俟賊撲近驟馬回擊斃賊無算追壓十餘里逆首陳玉城遂率大股直奔東路向界牌一帶逃竄焚燬賊營二十餘座餘匪搜殺殆盡護城肅清一面派營總烏爾滾布等分帶馬隊追擊竄匪仍恐該逆復由界牌繞越藕塘老人倉窺伺東北臣勝保親統穆騰阿

等各起馬步兵勇連夜馳赴老人倉一帶扼堵  
兜擊臣翁同書亦派兵勇千名前往接應現該  
逆大股全趨東南是否併入全椒柳分竄六合  
浦口均應豫爲之備臣等已飛咨和春迅飭沿  
江各處及江北之軍嚴防截擊至滁州一城極  
形喫重副將李世忠一軍尙爲浦口牽掣未能  
回顧臣等已飭駐滁之副將阿克敦及該地方

文武率領存城兵，勇妥籌固守，仍由大營酌撥馬隊前往協助，其護城後路八斗嶺、江家港、張橋一帶關繫內窺要隘，仍飭原駐各軍聯絡扼紮以堵爲勦，奏入。

諭內閣曰：官軍擊退護城大股逆匪，將賊營二十餘座焚燬，護城肅清，仍著勝保等督飭將士扼要堵勦，將竄匪悉數殲除，毋令逃逸。

二十五日乙未和春奏言江北援賊屬集浦口江

浦一帶意欲阻我餉道雖經痛勦其勢未衰三月初五日以後諜報逆首陳玉城悉索廬州全椒醜類數萬由西而東接應浦逆張國樑飭各鎮將申儆士卒竭力嚴防查江浦西路長牆聯屬官兵溝深壘固不難以逸待勞惟北面九里山一帶直達浦口城迤邐三四十里山巒層疊

盡是賊巢而浦口城尤爲偏近逆匪日以大礮  
憑高轟擊兵勇時有受傷因令總兵周天培相  
度形勢於離城稍偏扼要之地改築三營而該  
逆亦於北路山梁潛紮營壘三座往來瞭望張  
國樑聞報派都司鍾朝信等帶擡礮小隊夤夜  
往援並派總兵李若珠等分三路接應十三日  
該逆傾巢出撲由浦口以西直達江浦之東縣



互相望不下四五萬人先犯新築營盤復由西北一路三面兜抄張國樑督飭各軍奮勇迎勦馬隊擡礮左右夾擊斃賊無數該逆恃衆屢卻屢進九洑洲又出悍賊萬餘由西南截我後路九里山大股賊匪復壓截各路營盤繞圍數日副將鄭朝棟遊擊張占魁怒馬陷陣擊殺數賊力竭陣亡副將劉萬德等左右馳擊疊殪前鋒

逆目數名賊勢稍卻大軍乘勝突出重圍張國  
樑令副將韋明堂等各帶選鋒由江浦一路縱  
擊賊始解散齊撲總兵熊天喜營盤我軍以輕  
騎往來衝殺以馬步小隊旁抄殪賊數百名賊  
遂大潰而回是役以寡勝衆化險爲平張國樑  
回營後撫慰瘡傷簡閱補銳仍令李若珠等按  
日出隊趕紮浦口新營該逆亦對壘相持晝夜

撲擾臣查陳玉城糾集惡黨意在衝破江浦要隘接應金陵其勢驟不可遏惟有隨堵隨勦力扼要衝先固大局然後徐圖掃蕩至滁州來安孤懸賊中關繫浦口後路要害前勝保所派總兵張得勝一軍雖已攻毀汊河逆壘旋因廬城狍猖折回定遠烏衣一帶得而復失現在滁來被圍情形緊迫副將李世忠一軍已由浦口之

西繞道回援我師兵力愈單當派總兵馮子材  
就金陵各營抽撥勁旅一千名又甯國調來鄧  
聯科所帶湖南兵勇一千名星夜渡江並咨商  
鄭魁士迅將遊擊馮日坤所帶潮黃兵勇二千  
餘名調赴江浦聽候張國樑調遣其浦口濱江  
一帶賊蹤出沒當酌調下游師船赴西江口扼  
勦已據總兵陳世忠等稟報揚帆上駛一律到

防與張國樑陸軍聲勢聯絡至此次陣亡副將  
鄭朝棟遊擊張占魁應請

飭部照例議卹以慰忠魂奏入得

旨鄭朝棟等均著照例議卹

和春又奏言六合官兵攻勦葛塘盤城等集屯  
匪屢次獲勝該逆創敗後連日匿不出巢三月  
初六日我軍正在南路築營南門突出賊三四

千名叢擁而來富明阿親督副將魁霖等由西  
南一路迎勦另派營總常壽等各帶馬隊左右  
包抄正酣戰間葛塘盤城逆匪二三千名分股  
前來截我歸路東門又出悍賊千餘直趨冶浦  
橋新築營盤富明阿指揮馬步隊橫衝斜擊殲  
逆目一名餘悉四散其東門之賊經鞠殿華張  
玉良等擊退共斃賊百餘名初八日富明阿等

會商因冶浦橋池西泰山廟地方偏近城垣形勢扼要派令馬德昭抽撥精銳冒險進紮數營聯絡聲勢初九日葛塘逆匪分路下竄富明阿張玉良會派馬德昭等分兵設伏東南北各門以防城逆外撲仍飭魁霖等各帶馬步精銳由白龍廟常家營兩路迎勦營總依常阿怒馬陷陣大軍鼓譟繼之盪決縱橫將賊隊截爲數股

該逆自相踐踏奪路狂奔直至葛塘集未敢回  
巢富明阿等乘勝追勦當將賊壘踏平逆卡燒  
燬是時城內之賊聞外援大至出巢接應遇伏  
兵四起鼠竄而回共斃賊數百名生擒賊目十  
八名初十日馬德昭等督飭所部移紮東門泰  
山墩富明阿督同候補副都統博奇前護軍統  
領穆克登額等於東北河邊趕搭浮橋豫備進



隊該逆果由東西北三門先後竄出悍匪數千直薄泰山墩新營官兵三路齊進斃賊頗多賊復添黨來援堅不肯退副將劉成元等率擡礮小隊排列山腰更番對擊賊勢稍卻張玉良揮令將弁直前逆衆回竄其南門賊股亦以數百人往來牽掣嗣見各路創敗旋即回巢十二日富明阿張玉良帶隊周歷西北一帶察看地勢

密令博奇馬德昭等帶六成隊伍捲旗息鼓潛  
至近城地方擇要設伏仍飭東南各營一律戒  
嚴該逆見我馬隊無多突由西北兩門擁出數  
股我軍且戰且退誘至伏中馬步盡起槍礮火  
箭齊發賊眾潰竄我軍跟蹤追殺燒燬卡篷六  
座臣查六合逆匪恃險負隅近復益以西路外  
援由葛塘盤城等處步步爲營與城逆遙相呼

應雖經官軍疊次勦洗而兇燄未衰難保不乘  
虛下竄亟應嚴兵守險防勦兼施臣等前派張  
玉良馳往該營會商富明阿籌度機宜悉心布  
置業由東南一路移營進偪堵扼浦口要衝並  
隨時整頓營規申明軍律漸有起色惟馬步各  
軍尙未能一律精銳已移咨富明阿就現在兵  
力嚴密防勦毋致逆氛滋蔓奏入報

二十七日酉丁勝保奏言查東南大勢楚境已就

肅清而賊踞江皖以金陵爲老巢以廬州安慶  
爲犄角以浦口六合爲咽喉賊合而我分賊議  
而我正制賊之法亟宜審勢握要合力並舉未  
可稍分畛域坐失機宜疊據謀報及獲賊供稱  
皆以楚師進至太湖引而不發賊遂得屬聚浦

六之間任意東擾並聲言欲由天長盱眙徑犯  
邵伯清江潛圖北竄又據供稱金陵之賊現已  
缺糧等語惟外援過衆非厚集兵力難斷賊援  
現在皖境賊蹤全注東面浦口江浦後路賊黨  
最多南接金陵東達六合一氣相聯雖賴江南  
北各軍分投勦堵而接壤天滁之大營集相官  
集汊河一帶賊援大至各路皆可與六合相通

其克復尚非旦夕可望該逆所以悉衆東趨者  
總緣西路楚師未肯深入賊無後顧之虞故敢  
將安慶舒桐廬江三河一帶逆黨糾集而來臣  
再四思維惟有催楚師以顧皖疆移皖軍以助  
江北庶可扼賊之吭制其死命前聞胡林翼奏  
報有駐師黃州守重於戰之說在胡林翼意在  
力保楚疆且有鑒於李續賓三河之失爲養精

蓄銳之計不可謂非老成持重但目下情形與  
上年不同去秋九月當浦六初失儀揚繼陷之  
後江北一軍距賊已遠而江南兵力僅能自固  
藩籬未能兼顧浦六時楚軍由西而東正值潛  
太桐舒賊巢空虛之際連戰皆捷頗稱得手嗣  
因賊援四集以致三河失利彼時臣軍東勦天  
長故未能與之會合迨至旋師楚軍已挫本年

二月以來薛成良投誠後張國樑渡江李世忠南勦江浦浦口遽爲我得出賊意料之外賊亦不得不以全力相爭此時皖西較東路爲空虛皖東較西路爲喫重江南北之軍旣與賊相持不下而賊復力援六合注意江浦浦口後路伺隙北犯自非先以皖軍全力會擣六合恐江北未遽得手卽江南亦難剋日收功必須楚師由



西面進兵力攻舒桐安慶使該逆不得不撤賊  
回援皖軍與江北合力則浦口後路易就肅清  
而金陵合圍之勢成矣設賊仍屬集東南不復  
西救則楚軍乘勢進逼亦必可長驅直下以成  
破竹之勢是此時應以皖軍會勦東南楚軍力  
攻皖北爲上策綜觀今日時事自以速克金陵  
爲要著第必須皖軍前進夾擊方能斷金陵接

濟必須接濟斷絕方可望攻克金陵而楚軍不能入皖則皖軍終不能力顧東南設楚師未進而皖軍遽移必致賊由廬六乘虛繞竄轉恐爲北路之害於南北大局均非所宜臣故謂此時應移皖軍以助江北催楚師以顧皖疆也軍務緩急所關旣有所見不敢不據實直陳是否有當伏乞

聖鑒訓示奏八

上命軍機大臣傳諭官文胡林翼勝保翁同書曰勝保  
奏通籌勦賊大局宜合力並舉應以皖軍會勦東南  
楚軍力攻皖北爲上策等語前據胡林翼奏稱皖楚  
之要以黃州爲適中保楚乃能謀皖地勢賊情非分  
三路併力進勦必難成功官文亦謂胡林翼不宜入  
皖前敵不宜添兵該大臣等督兵勦賊係共辦一事

惟在相度地勢體察賊情乘機進取以收師克在和  
之效胡林翼駐紮黃州數月以來諒已布置周妥楚  
師有多隆阿爲前敵節節進剿而孤軍未可深入曾  
否派兵爲其後路現在皖北賊匪麕聚亟待楚師水  
陸分攻舒桐廬州安慶以分賊勢勝保翁同書亦應  
督飭各軍合力會剿不得專恃鄰省官文前因湖南  
桂陽等縣被匪竄陷調水師馬隊馳往援剿此項援

軍俟湖南軍務稍平亦可撤回併力赴皖使皖北之  
賊有所顧忌不致肆意蔓延庶於大局有裨勝保兵  
力尙不爲少務須南北兼籌互相策應上年李續賓  
一軍爲百戰勁旅竟以深入無援坐失名將全軍潰  
散殊堪惋惜今議合勦之舉勝保當與官文胡林翼  
商酌機宜固不可畫疆自守亦不可輕進貪功務須  
計出萬全以冀膚公早奏

勝保又奏言副將李世忠前於攻克浦口後臣  
卽令其暫留浦口以資堵勦嗣經張國棟帶兵  
渡江由江浦至浦口連營數十座足敷勦辦現  
值烏衣汊河一帶賊援大至餘來喫重又當逆  
首陳玉城率衆南遁分股圍撲滁城雖經派隊  
前往會合存城弁勇登時擊退惟賊蹤伊邇兵  
力尙單經臣札令李世忠審度情形能否撤師

同防一面稟候張國樑撥軍接替再行拔隊赴  
皖茲據該副將稟稱擬卽遵札稟商俟還軍後  
應如何留守滁來分攻六合之處臣當酌度緩  
急飭遵辦理至六合浦口後路賊勢甚衆天長  
來安前路均形喫緊已飭令總兵張得勝統帶  
兵勇二千餘名營總常海帶馬隊二百餘名星  
速前往由施官集雷官集一路協同馬家集汊

聞

澗鎮之兵認真迎勦奏入報